

管勾西京留臺出爲淮南轉運使歷官少府監拜  
右諫議大夫知鄭州徙江寧壽州告曉法令不務  
苛刻時號爲能一子力學有文近臣薦召試賜同  
進士出身未幾卒告悲傷之亦卒

見宏簡錄  
庶官傳

張咸字君說唐宰相九齡弟九臯之後也父絃舉  
茂才異等以殿中丞致仕卒咸尙未冠家徒壁立  
伯兄之子漢淮與其女弟熒熒無依咸力學神宗  
元豐二年舉進士賢良兩科官朝議郎授仁壽令  
攜諸孤之官教育次第訖其婚嫁哲宗元祐初詔  
復六科咸對策有曰臣寧言而死於斧鉞不忍不  
言而負陛下擢居第一改除宣德郎僉書成都府  
節度判官年五十二卒贈雍國公

總志外紀張咸漢州人應制舉初出蜀過夔州  
郡將知名士也一見遇之甚厚因問曰四科優  
劣之差見於何書無以對守曰載孟子註中因  
檢示之且曰不可不牢攬之也張道中思索著  
論成篇至都閣試以此爲首題張更不注思而  
就主文范淳夫也覽之甚喜過閣第一黃元文